



100 ЕГДЕН QАЗАҚСТАН

## Қазақ атауын қайтарып, егемендікті сүйіншілеген...

Байтақ даламыздың бай мұрасын түгендер, тамыр-тариҳын таразылап, өткені мен өнегесін болашақ ұрпақтың бойына сініруде баспасөздің алар орны айрықша. Әсіресе, тағылымы мен таралымы, саны мен сапасы қатар қарыштаған, бүгінгі таңда өзінің ғасырлық белесіне көтеріліп отырған, Елбасы ордалы «Отанымыздың бас басылымы» деп баға берген «Егемен Қазақстанның» мәні зор, мәртебесі өмандада жоғары. Бұл орайда кеше ғана бізді қабылдап, «Егемен Қазақстан» газетінің бүгінгі биігін жоғары бағалаған ел Президенті Қасым-Жомарт Тоқаевтың «өткір де өзекті, сапалы әрі салиқалы, тартымды материалдары арқылы басылым қазақ баспасөзінің көшін бастап тұр» деп атап өткенін де айту ләзім.



Ел газеті «Егемен Қазақстан қазақ атауын халықта қайтаруға айрықша үлес қосып, елдік рухты еңелі ету жолында еселі еңбек өткен, азаттықтың арайлы таңында егемендікті сүйіншілеген қастерлі басылым. Сондықтан «Егеменнің» мерейлі межесі – қазақ баспасөзі мен ұлт ұнжариясының мәртебесі.

Жұз жылдық – қатардағы қарапайым мерейтой емес, бұл бір ғасырлық жүріп өткен жолына қайта қарайтын, тарихыңа тағым жасап, тағылым алатын, жаңа дәуірге бет түзейтін меже. Сондықтан біз де газеттің 100 жылдық мерейлі белесін қызынан көзөндегі қызындықтарды қайыспай көтерген аға ұрпақта тағымды ұштастыра отырып, атап өтуді мақсат еттік. Өйткені бұл газетте әр жылдары қызмет өткен халқымыздың рухани көсемдері, Алаш қайраткерлері іс жүзінде қазақта, қазақтың ел болып еңесін тіктеуіне қызмет етті. Бұл ретте дәл осы газет мемлекетімізге ұлт атауын қайтаруға тікелей себепкер болғанын да бөле-жара айрықша атап өтуге тиіспіз. Бұл бүгінгі егемендіктердің ғана емес, барша халқымыздың, кейінгі жас ұрпақтың

жадында мәңгі жаңғырып тұруы тиіс тарихи дерек. Ал «Ұшқыннан» басталған «Егеменнің» жылнамасында Халел Есенбаев, Бернияз Қүлеев, Тәмимдар Сафиевтен бастап, Смағұл Сәдуақасов, Сәкен Сейфуллин, Жүсіпбек Аймауытов, Бейімбет Майлин, Тұрар Рысқұлов, Илияс Жансұғиров, Мұхтар Әуезов, Шерхан Мұртаза, Әбіш Кекілбайұлы сынды өзге де көптеген тұлғаның есімдері бар және олардың әрқайсысының да қазақ үшін атқарған еңбегі үшан-теңіз.

Кешегі «Еңбек туы», «Еңбекшіл қазақ» большевиктік партияның қан-қасапты қатаң бақылауына, сұрқия саясатына қарамастан, елдіктің сөзін айтудан жаңылмады. Бағытынан жаңылдырмаған да сол жоғарыда аты аталған, аталмаған ұлттымыздың ұлық ұлдары болатын. Сонысы үшін де олар қуғындалды, атылды, айдауға түсті.

Сол сүргіннің сұрапыл тарихына қарап отырсақ, қызметкерлері ең көп қуғындалған, басшылары ату жазасына көп кесілген мекеме де осы редакция екен. Ұлты үшін басын бәйгеге тігудің, халқы үшін құрбан болудың бұдан асқан қасиетті һәм қасіретті үлгісі жок, сірә. Сондықтан оларға тағым ету – бүгінгі ұрпаққа парыз.

Жұз жылдықтың алғашқы тағылымды іс-шарасы қасиетті Семей жеріне – Абай еліне барып, хакім рухына тағым етуден басталды. Семей Алаш рухымен де қалың қазаққа қастерлі мекен. Осылайша түрлі шаралар тұндігін түріп, берекелі бастамалар бастау алды.

Баршаға мәлім, Сәкен Сейфуллин, Бейімбет Майлин және Илияс Жансұғиров, Тұрар Рысқұлов, Сұлтанбек Қожанов газет «Еңбекшіл қазақ», «Еңбекші қазақ» болып аталған кезінде жұмыс істеген, басшылық жасаған, авторы болған тұлғалар. Сондықтан биыл осы тұлғалардың өнірлерде атап өтілген 125 жылдық іс-шараларын «Егемен Қазақстан» газетімен ұштастырып, Қарағандыда С.Сейфуллиннің, Қостанайды Б.Майлиннің және Талдықорғанда И.Жансұғировтің рухына тағым жасалды. Шымкентте Тұрар Рысқұлов пен Сұлтанбек Қожановқа арналған тағылымды іс-шаралар жоғары деңгейде өтті. Сонымен бірге «Ұшқынның» алғашқы редактор-шығарушылары Халел Есенбаев, Тәмимдар Сафиевтердің туған жері – Бекей ордасына арнайы экспедиция ұйымдастырылып, жергілікті оқырмандармен, зиялыштық қауым өкілдерімен кездесулер өткізілді.

Алматыда қала әкімдігінің қолдауымен «Егемен Қазақстан» газетінің редакциясы 1987-1999 жылдары қоныс тепкен тарихи ғимаратқа орнатылған ескерткіш тақта, Құран бағыштап берілген ас та өмірден озған аға бұынға жасалған тағым шараларының қатарынан.

Осы орайда жұз жылдықтың іс-шараларын «Ұшқын» алғаш жарық көрген, қазақ еліне астана болған Орынбор қаласында аяқтауды мұрат етіп отырғанымызды да айта кетудің жөні келіп отыр. Қараща айының соңында арнайы делегациямыз Ресейдің Орынбор қаласына аттанады. Мақсат – «Ұшқын» редакциясы отырған тарихи ғимаратқа ескерткіш тақта орнатып, жергілікті қазақ диаспорасымен кездесу. Осылайша тағылым мен тағымды ұштастырған ең негізгі іс-шараларымыз Семейде басталып, Алашқа астана болған Орынборда аяқталады.

Әлбетте, осы айтылғандардың сыртында басқа да маңызды жұмыстар атқарылды. Нұр-Сұлтан қаласында Ұлттық музейде дәстүрлі «Музей түні» акциясы «Egemen Qazaqstan» газетіне арналды. Ғибратты газеттің ғасырының арнағы «100 жылдыққа – 100 тал» деген атаумен сөулелі сөүір айында арнайы экологиялық акция ұйымдастырылды. Бұл шараның да өзіндік өнегесі жоқ емес. Себебі халқымыздың «Атаңнан мал қалғанша тал қалсын» деген аталы сөзі бар.

Газеттің 1919 жылдан бергі қағаз архиві цифрлы форматқа көшірілді. Тұтас бір дәуірдің айнасы іспетті құнды мұраны сақтау әрі қалың көпшілікке қолжетімді ету үшін былтыр Алматыдағы Ұлттық кітапханамен бірлесіп, 1919 жылдан бергі сандарының әрбір бетін сканерлеу жұмыстары жүргізілді. Соның нәтижесінде жинақталған мол мұра өңделіп, оқырманға қолайлы цифрлы форматта ұсынылмақ.

Газетте 1919 жылдан 1976 жылға дейінгі кезеңде жарық көрген, сол заманың сипатын, қоғам тынысын аңғартатын ең маңызды оқиғалар мен жаңалықтарды қамтыған таңдаулы материалдар, өзекті мақалалар ірітеліп, «Жұз жылдық жылнама» деген атаумен 5 томдық жинаққа енгізілді. Бұл жинақ мамыр айында басылып шығып, оқырманға жол тартты.

Әр заманың әсерлі әңгімелері, сырлы сәттері, қайталаңбас қадамдары қатар жүретіні қағида секілді қалыптасқан. Сол соқпақтың соңындағы ізгілікке толы іздерді, аңыз абыздарды, шарапаты мол шактарды, тұғырлы тұлғаларды, бейнетті құннің бейнелерін біз суреттер арқылы көріп, сезіне аламыз. Жылдар жылжып, айлар ауысқан сайын оларда еткен құннің еншісіне ене береді. Көне құндердің көшіндегі көлемді іздер көміліп қалмау үшін осы жұз жылдықтың аясында газеттің алғашқы басшылары мен қызметкерлерінің бейнесі сақталған аса сирек фотолар мен басылымда жарық көрген суреттер жинақталып, арнайы фотоальбом болып жасалды. Бұл альбомға сондай-ақ газетте қызмет еткен азаматтардың жеке архивтерінен алынған, бұрын еш жерде жарияланбаған, бірақ тарихи сәттерден, газет өмірінен хабар беретін ескі суреттер мен редакцияның бүгінгі тыныс-тіршілігін қамтитын жаңа фотосуреттер енгізілді.

Тарих тақтасындағы тағылымды тараулар құнын жоймай, үрпақтан-үрпаққа жалғаса беретініне сенімдіміз. Себебі «Егеменің» тарихы елдің тарихы, ұлттың тарихы деген қастерлі ұғымдармен тамырлас һәм сабактас. Оның қасиеті мен қазынасын жас үрпақтың жүрегіне жеткізіп, санасына сіңіру мақсатында дөңгелек үстел кездесулері мен ғылыми-практикалық конференциялар өтті. Зиялыш қауым өкілдері, ғалымдар, тілшілер, студенттер қатысқан жиында «Egemen Qazaqstan»-ның ғана емес, жалпы баспасөз саласының өзекті тақырыптары сараланды.

Жаһандық дамудың жаңа сатысына қадам басқан Қазақстанмен бірге «Егеменде» еңсе тіктеп, ертеңгі құні үшін еңбек етуде. Интернетті игеріп, иғілікке пайдаланып, оқырман тартудың онтайлы тұстарын ойластыруда. Үақыт көшінен бір сәтке де қалыс қалуды ойламайтын ұлттық басылымның үясы табанды жұмыс істеумен, талмай талпынуды ұстаным етіп алған. Жазғаны жүртқа, ойы оқырманға жетіп жатса, тілшілік тізгінің ұстағандар

үшін маңдай тер, мاشақаттың марапаты сол болмақ. «Егеменнің» елге бергені де, «Егеменнің» елден алғаны да аз емес. Арыстардың ізі қалған арда газеттің тойы Отан үшін ортақ. Сондықтан ұлт болып ұйысып, жұрт болып жұмылып, руханияттың алтын ұясына айналған бас басылымның жаңа дәуірін бірге қарсы алайық, құрметті оқырман.

**Дархан ҚЫДЫРӘЛІ**